



ORDENANZA REGULADORA DO PREZO PÚBLICO DO SERVIZO DE AXUDA NO FOGAR DO CONCELLO DE REDONDELA

ARTIGO 1.—FUNDAMENTO

No uso das facultades concedidas polos artigos 133.2 e 142 da Constitución Española, polo artigo 106 da Lei 7/1985, de 2 de abril, reguladoras bases do réxime local, de conformidade co previsto nos artigos 41 a 47 e 127 do Real Decreto Legislativo 2/2004, do 5 de marzo, polo que se aproba o Texto refundido da Lei reguladora de Facendas locais, o Concello de Redondela establece o prezo público pola prestación do Servizo de Axuda no Fogar que se regula pola presente ordenanza e cumprindo co establecido no Art.56 da Lei 13/2008 de Servizos Sociais de Galicia, que faculta ás administracións públicas a establecer a participación das persoas usuarias no financiamento de servizos do Sistema Público de Servizos Sociais, no Decreto 99/2012 do 16 de marzo, polo que se regulan os Servizos sociais Comunitarios e o seu financiamento e no capítulo II do título III do Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo.

ARTIGO 2.—CONCEPTO

O prezo público regulado nesta ordenanza constitúe unha contraprestación pecunaria de carácter público que se satisfará polas persoas usuarias que voluntariamente soliciten a prestación do Servizo de Axuda no Fogar e lles sexa concedida de acordo co previsto no regulamento do servizo.

ARTIGO 3.—OBRIGADOS AO PAGAMENTO

2.1. Están obrigados ao pagamento do prezo público regulado nesta ordenanza as persoas usuarias do Servizo de Axuda no Fogar prestado polo Concello de Redondela. Para ser beneficiario do Servizo, estarase ó establecido na Ordenanza municipal do Servizo de Axuda no Fogar.

2.2. No caso de que estas carezan de capacidade de obrar, a obriga recaerá sobre quen ostente a súa representación legal ou, no seu caso, sobre quen exerza de feito o seu coidado.

ARTIGO 4.—CONTÍA

4.1 O prezo por hora pola prestación do servizo establécese, para o ano 2013, en 14,21 €/hora na modalidade SAF básico ou libre concorrencia e 13,83 €/hora na modalidade de lei de dependencia.



ARTIGO 5.—DETERMINACIÓN DA CAPACIDADE ECONÓMICA DO SISTEMA DE ATENCIÓN A PERSOAS USUARIAS DE DEPENDENCIA

5.1. Ademais das achegas do Concello de Redondela, da Administración xeral do Estado e da Comunidade Autónoma de Galicia, o Servizo de Axuda no Fogar financiarase coas achegas das persoas usuarias do mesmo en función da súa capacidade económica de acordo co establecido no capítulo II do título III do Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo, no artigo 62 do Decreto 99/2012, do 16 de marzo, polo que se regulan os Servizos Sociais Comunitarios e o seu financiamento e nesta ordenanza.

Anualmente a cantidade do IPREM variará segundo o establecido na Lei de Orzamentos xerais do Estado, así como o índice de Prezos de Consumo (IPC).

5.2. A capacidade económica das persoas dependentes, valoradas con dereito recoñecido de atención, mediante o servizo de axuda no fogar, calcularase de acordo coas normas de valoración contidas no capítulo II do título III do Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo, observándose as normas de aplicación á materia, vixentes en cada momento, polo órgano competente en materia de servizos sociais da xunta de Galicia.

5.3. O resultado do cálculo da capacidade económica, correspondente ás persoas dependentes valoradas con dereito de atención recoñecido no servizo de axuda no fogar, constará na resolución do plan individualizado de atención que se desenvolva en cada caso, de conformidade co que establece o artigo 38 do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.

ARTIGO 6.—DETERMINACIÓN DA CAPACIDADE ECONÓMICA DAS PERSOAS USUARIAS DOUTROS SERVIZOS QUE IMPLIQUEN COPAGAMENTO

6.1. No servizo de axuda no fogar prestado a persoas ou unidades de convivencia distintas ás referidas nos puntos anteriores, o cómputo da capacidade económica farase de acordo cos seguintes criterios:

1. Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2 da Lei 35/2006, do 28 de novembro, do imposto sobre a renda das persoas físicas.



Aos efectos previstos na presente Ordenanza, considerarase unidade de convivencia independente ás persoas que vivan soas e, no seu caso, ao conxunto de persoas que convivan no mesmo marco físico e se atopen vinculadas coa persoa solicitante por matrimonio ou calquera outra forma de relación estable análoga á conxugal, por adopción ou acollemento ou por parentesco de consanguinidade ou afinidade ata o cuarto e segundo grado respectivamente.

2. Computarase, así mesmo, o patrimonio neto de todas as persoas residentes na unidade de convivencia. Para estes efectos, enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder.

Igualmente, para o cómputo do patrimonio neto deberán terse en conta as exencións que prevé a Lei 19/1991, do 6 de xuño, do imposto sobre o patrimonio, ao respecto da vivenda habitual e doutros bens e dereitos.

2. A capacidade económica calcularase sumando todas as rendas computables, modificadas á alza pola suma dun 5% do patrimonio neto en cómputo anual, e dividindo o resultado da dita suma entre o total de persoas que convivan no fogar.

Os Servizos Sociais Comunitarios do Concello de Redondela procederán a unha revisión anual para a actualización da información relativa á capacidade económica das persoas usuarias do Servizo de Axuda no Fogar. Todo elo, sen prexuízo de que os Servizos Sociais Comunitarios tendo coñecemento dalgunha modificación na capacidade económica da persoa usuaria, actúen de oficio para regularizar a situación.

ARTIGO 7.—PARTICIPACIÓN NO FINANCIAMENTO DO SERVIZO DAS PERSOAS DEPENDENTES CON DEREITO DE ATENCIÓN RECOÑECIDO COMO USUARIAS DO SERVIZO DE AXUDA NO FOGAR

7.1 No caso de que a capacidade económica da persoa usuaria do servizo de axuda no fogar para persoas dependentes valoradas con dereito de atención recoñecido, sexa igual ou inferior ao indicador público de rendas a efectos múltiples (IPREM), quedará exenta da obriga de participar no custo do servizo.

7.2 Nos demais supostos, aplicarase a seguinte táboa, na cal se expresa o copagamento en termos de porcentaxe sobre a capacidade económica da persoa usuaria e en función da intensidade do servizo asignado:



Capacidade económica (referenciada ao IPREM)	Grao I	Grao II	Grao III
Ata	<=20 h	<=45 h	<=70 h
100,00%	0,00%	0,00%	0,00%
115,00%	4,52%	9,61%	4,70%
125,00%	5,41%	11,50%	17,58%
150,00%	5,55%	11,79%	18,03%
175,00%	5,65%	12,00%	18,35%
200,00%	5,72%	12,16%	18,60%
215,00%	5,81%	12,34%	18,87%
250,00%	6,03%	12,82%	19,61%
300,00%	6,24%	13,26%	20,29%
350,00%	6,42%	13,63%	20,85%
400,00%	6,54%	13,90%	21,25%
450,00%	6,63%	14,09%	21,55%
500,00%	6,70%	14,25%	21,79%
>500%	6,76%	14,36%	21,97%

7.3 Nos casos en que, por renuncia parcial expresa da persoa beneficiaria ao seu dereito de atención co número de horas expresadas no PIA, ou cando por tratarse dun suposto de compatibilización do SAF con outro servizo ou prestación do catálogo as horas reais prestadas de servizo de axuda no fogar sexan inferiores á cantidade expresada en cada columna da táboa anterior para o grao e nivel correspondente, a cantidade a pagar será minorada proporcionalmente á diminución das horas efectivas de servizo.

7.4 En ningún caso, o importe da participación económica que deberá ingresar a persoa beneficiaria en concepto de copagamento, poderá exceder o 90% do custo do servizo determinado en termos de prezo/hora.

7.5 No caso das atencións e servizos complementarios do nivel básico do servizo de axuda no fogar, prestados ás persoas dependentes valoradas con dereito de atención recoñecido, para os efectos de facer efectiva a obriga de participar no custo do servizo por parte das persoas usuarias, aplicarase a seguinte táboa, na cal se expresa a súa participación en termos de porcentaxe sobre a capacidade económica da persoa usuaria e en función da intensidade e do tipo de atención ou servizo asignado:



CONCELLO DE REDONDELA

% Capacidade económica (referencia da ao IPREM) Ata	Grao I			Grao II			Grao III		
	Adaptacións funcionais do fogar, podoloxía, fisioterapia	Actividades de acompañamento, socialización e desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia	Actividades de acompañamento e desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia	Actividades de acompañamento socialización e desenvolvemento de hábitos saudables	Servizo de préstamo de axudas técnicas
	<=15			<=28			<=45		
100,00%	0,00%	12,87%	13,76%	0,00%	22,73%	24,29%	0,00%	35,51%	37,95%
115,00%	5,98%	13,10%	14,00%	10,56%	23,12%	24,71%	16,50%	36,13%	38,61%
125,00%	7,15%	13,39%	14,31%	12,63%	23,64%	25,26%	19,73%	36,94%	39,47%
150,00%	7,34%	13,52%	14,44%	12,95%	23,87%	25,50%	20,24%	37,29%	39,85%
175,00%	7,47%	13,61%	14,54%	13,18%	24,03%	25,67%	20,60%	37,54%	40,12%
200,00%	7,57%	13,76%	14,70%	13,36%	24,29%	25,96%	20,87%	37,96%	40,56%
215,00%	7,68%	13,83%	14,78%	13,56%	24,42%	26,09%	21,18%	38,16%	40,77%
250,00%	7,98%	13,96%	14,91%	14,09%	24,64%	26,33%	22,01%	38,50%	41,14%
300,00%	8,25%	14,06%	15,02%	14,57%	24,82%	26,52%	22,77%	38,78%	41,44%
350,00%	8,48%	14,16%	15,13%	14,98%	25,00%	26,72%	23,40%	39,07%	41,74%
400,00%	8,65%	14,35%	15,33%	15,27%	25,33%	27,06%	23,85%	39,57%	42,29%
>400,00%	8,77%	14,48%	15,48%	15,48%	25,57%	27,32%	24,19%	39,95%	42,69%

ARTIGO 8.—PARTICIPACIÓN DAS PERSOAS USUARIAS NO FINANCIAMENTO DOUTROS SERVIZOS QUE IMPLIQUEN COPAGAMENTO

8.1 Para o servizo de axuda no fogar, en réxime de libre concorrencia, para as persoas que non teñan o recoñecemento da situación de dependencia, ou non as asista o dereito de acceso efectivo ao catálogo de servizos de atención á dependencia, segundo o calendario de implantación que se establece na Lei 39/2006, aplicarase a seguinte táboa que regula unha progresiva participación económica no custo do servizo en base ó cálculo da capacidade económica per cápita, de acordo co establecido no artigo 16 desta ordenanza.



CAPACIDADE ECONÓMICA	Participación no custo do servizo de SAF básico
Menor do 0,80 do IPREM	0%
Maior do 0,80 e menor ou igual a 1,50 do IPREM	10%
Maior do 1,50 e menor ou igual a 2,00 do IPREM	20%
Maior de 2,00 e menor ou igual a 2,50 do IPREM	40%
Maior de 2,50 do IPREM	60%

8.2 Sen prexuízo do anterior, poderán establecerse excepcións aos criterios xerais do referido copagamento nos casos en que a situación causante da aplicación do servizo de axuda no fogar sexa unha problemática de desestruturación familiar, exclusión social ou pobreza infantil, circunstancia que deberá estar debidamente xustificada no correspondente informe social.

8.3 En calquera caso, establecerase un límite máximo de participación económica das persoas usuarias do 40% da súa capacidade económica.

ARTIGO 9.—OBRIGA DE PAGAMENTO

A obriga de pagar o prezo público nace dende que se inicie a prestación do servizo correspondente e continuará ata a baixa o suspensión do servizo.

ARTIGO 10.—LIQUIDACIÓN, RECADACIÓN E XESTIÓN

9.1 As liquidacións practícaranse por meses naturais nos primeiros quince días de cada mes segundo as relacións confeccionadas polos Servizos Sociais do Concello.

9.2. O pagamento efectuarase mediante cargo na conta corrente ou libreta de aforros que a persoa solicitante ou usuaria do Servizo de Axuda no Fogar deberá indicar no modelo oficial que lle será facilitado polo Concello.

9.3 A achega das persoas usuarias do servizo será obxecto de actualización segundo a contía anual do IPREM ou indicador que o substitúa.

DISPOSICIÓN FINAL

Esta Ordenanza se publicará no Boletín Oficial da Provincia entrando en vigor segundo a normativa de aplicación, comezando a súa aplicación e permanecendo vixente en tanto non se acorde a súa modificación ou derogación expresas.

Contra a aprobación definitiva desta ordenanza unicamente poderá interporse recurso contencioso-administrativo ante a Sala do Contencioso-Administrativo do Tribunal Superior de xustiza de Galicia no prazo de dous meses dende a publicación da Ordenanza no Boletín Oficial da Provincia.



CONCELLO DE REDONDELA

Redondela, a 15 de abril de 2014.—O Alcalde, Javier Bas Corugeira.
2014003716

Publicacións Boletín Oficial da Provincia de Pontevedra:

- BOP número 83, do 02.05.2014